

GERO ETA EZAGUNAGOA MUNDU OSOAN

Euskal Herriko sagardoa gero eta gehiago kontsumitzen da nazioarteko merkatuetan.

Ekainera arteko nazioarteko merkatuetan izanikosalmentek argi utzi dute euskal sagardoaren kontsumo gorakada, Astigarragako Petritegi sagardotegiko arduradunek jakinarazi dutenez. Beraz, azken urteetako joera hori indartzen ari da.

Ameriketako Estatu Batuetako ekitaldeko kostaldean, esaterako, euskal sagardoaren kontsumoa nabarmen ari da handitzen. Azken urteetako azterketek zioten Euskal Herriko sagardoak oihartzuna izan zezakeela hango merkatuetan, eta azken datuek ez dute joera hori baieztatu besterik egin, hein handi batean sektorea egiten ari den lanari esker.

«Sagardoak salmenta aukera handiak ditu nazioarteko merkatuetan, sagardoaren kontsumoa gora doalako, batetik, eta gure produktua ezaguarriengatik, bestetik; gure sagardoa desberdina da, eta kanpoko kontsumitzaileari gustatu egiten zaio, baina azaldu egin behar zaio produktua eta bere kultura», Petritegi sagardotegiko Aina Otañoren arabera.

Euskal Sagardotegia
ekitaldia New Yorkeko
Txikito jatetxean,
2015. urtean. PETRITEGI

Horretarako, garrantzitsua da produktu bat nazioarteko merkatuetan sustatzea. Abuztuaren 2an eta 9an, Astigarragako Petritegi sagardotegiak sagardoari lotutako hainbat ekintzak egin zituen Ameriketako Estatu Batuetan, New Yorken eta Washingtonen, hain zuzen, Murray Cheese Bar tabernan eta Anxo sagardotegian, hurrenez hurren.

Saltzaileekin lan egiteaz gain, produktua ezagutarazi zuten, eta baita sagardoaren kultura, usadioa eta historia

ere. «Izan ere, merkatu horietan asko baloratzen dute kultura hori, historia eta euskal sagardoaren izaera naturala eta betikoa».

Petritegi sagardotegiko arduradunek bisita interesgarri batzuk ere egin zituzten: Angry Orchard Estatu Batuetako sagardo fabrika handiena ezagutzeko, Brooklyn Cider House sagardotegia eta sagardoarekin lan egiten duten euskal kutsuko jatetxeak, Txikito Jatetxea, esaterako.

2015ean, Petritegi sagardotegiak

ISASTEgi
sagardotegia



Aldaba Txiki Auzoa
Tolosa (Gipuzkoa)
Tel: 943 65 29 64
isastegi@isastegi.com
www.isastegi.com



BEGIRISTAIN
tolare sagardotegia



Iturriotz baserria - 20267 Ikaztegieta - ☎ 943-65 28 37 - 607-36 57 43
Faxa: 943-18 74 06 • s.begiristain@terra.es



Petritegi sagardotegiak egindako sagardoaren aurkezpena New Yorkeko Txikito jatetxean, 2015ean. PETRITEGI



Sagardoa zerbitzatzen Frankfurtan. BERRIA

Shacksbury Basque Cider sagardoa aurkeztu zuen Bostonen, Petritegik Shacksbury enpresarentzat egiten duen euskal sagardoa. Hala, enpresa horrek bere izena duen sagardoaz gain ohiko Petritegi sagardoa ere saltzen du.

Urte berean, Michiganen egiten den Aintzira Handietako Nazioarteko Sagardo Lehiaketan Astigarragako bi sagardotegik sariak jaso zituzten, Bere-

ziartua eta Irigoien-Herrero sagardotegiek.

Astigarragako bertako Zapiain sagardoa Ameriketako Estatu Batuetan ere banatzen dute. Sagardotegiak sagardo azoka garrantzitsuetako batean parte hartu zuen 2015ean, Chicagoko Cider Conference ferian.

Azkaineko Txopinondoren sagardoa Ameriketako Estatu Batuetan ere ba-

natzen da, eta Europako iparraldeko hainbat herritan ere bai.

Bitxikeria gisa, Tolosako Isastegi sagardotegiko sagardoarekin eginiko Txiki Manzana koktela 2015eko edaririk onenen zerrendan sartu du Ameriketako Estatu Batuetako *The Seattle Times* egunkariak. Seattle hiriko The Cloud Room tabernako Jay Kuehner da koktelaren egilea.

Mexikon ere Euskal Herriko sagardoa gero eta ezagunagoa da. 2015eko azaroan Eusko Jauriaritzako ordezkari batzuk Mexikora joan eta eta sagardoak «arrakasta izugarria» duela azpimarratu zuten, Mexikon sagardoak «etorkizun handia» duela.

Europan ere, kontsumoaren igoera

Sagardo kontsumoaren gorakada Estatu Batuetan antzeman bada ere, Europako zenbait merkatutan ere nabaritu da igoera hau Petritegi sagardotegiko arduradunek azaldu dutenez, Danimarkan eta Holandan, esaterako.

Frantziako Estatuan eta Alemanian ere sagardo naturalak gero eta oihartzun handiagoa dauka. Alemaniako Frankfurtoko Nazioarteko Apfelwein Weltweit Sagardo Ferian, Astigarragako Astarbe eta Bereziartua sagardotegiek, sagardoa aurkezteaz gain, sariak lortu zituzten 2015ean, eta Bereziartua sagardotegiari aurten ere sari bat eman diote aurten, Pomme D'Or saria.

Gorenak ziurtagiria duen sagardoa Euskal Herrikan kanpo ere banatzen da: Madrilén eta Espainiako Estatuko beste hainbat tokitan, Katalunian eta Europako zenbait herritan. Txinan ere bai, Zapiain sagardotegia Txinako merkatuan lan egiten hasi baitzen 2013an.

Petritegi

Sagardoaren jaiotetxea.

petritegi.eus